



GIG
CYMRU
NHS
WALES

Addysg a Gwella Iechyd
Cymru (AaGIC)
Health Education and
Improvement Wales (HEIW)

Polisi Allan o Raglen (OOP)

Gorffennaf 2024

1. Cyflwyniad

- 1.1. Mae AaGIC yn cefnogi ceisiadau i gymryd amser Allan o'r Rhaglen ar gyfer hyfforddeion sy'n dymuno gwneud hynny; cael hyfforddiant clinigol (OOPT), profiad clinigol (OOPE), ymgymryd â chyfnod o ymchwil (OOPR) neu seibiant gyrfa (OOPC).
- 1.2. Rhaid darllen y polisi hwn ar y cyd â'r fersiwn diweddaraf o'r [Canllaw Aur](#).

2. Pwrpas a Chwmpas

- 2.1 Pwrpas y polisi yw darparu arweiniad ar y broses OOP i bob hyfforddai yng Nghymru ar Raglen Hyfforddi Gymraeg (gan gynnwys WCAT) sy'n amlinellu'r egwyddorion OOP allweddol, y broses ymgeisio a'r llinellau amser a chyfrifoldebau rhanddeiliaid dan hyfforddiant.
- 2.2 Ar gyfer hyfforddeion sy'n dymuno ymgymryd â chyfleoedd i ddatblygu portffolio gyrfa ehangach ar yr un pryd â'u hyfforddiant clinigol, dylid gwneud cais i newid eu statws cyferwerth ag amser cyflawn (%WTE) drwy'r polisi LTFT. Yr eithriad i hyn yw lle bydd y cyfle yn cyfrif tuag at amser hyfforddi a dylid cymhwyso hyn trwy'r polisi OOP hwn.
- 2.3 Nid yw'r polisi hwn ar gyfer hyfforddeion LAT gan na allant ofyn am amser allan o'r rhaglen yn unol â'r Canllaw Aur.
- 2.4 Nid yw'r polisi hwn ar gyfer hyfforddeion sy'n ymgymryd â hyfforddiant is-arbenigedd fel rhan o'u rhaglen hyfforddi yng Nghymru (hy PHEM, PEM, Stroke). Yn hytrach, bydd hyfforddeion yn derbyn cadarnhad ysgrifenedig ffurfiol o'u penodiad y gallant ei rannu gyda'r Coleg priodol. Os ydych yn bwriadu cwblhau eich is-arbenigedd allan o Gymru, yna rhaid mabwysiadu'r Polisi OOP.

3. Egwyddorion

- 3.1 Gellir cytuno ar geisiadau OOP dim ond os oes ganddynt gymeradwyaeth ffurfiol gan y Deon Ôl-raddedig neu ddirprwy enwebedig.
- 3.2 Rhaid cyflwyno ceisiadau gan ddefnyddio'r [Ffurflen gais AaGIC](#) a'i anfon at:

Gofal eilaidd : heiw.secondarycare@wales.nhs.uk
Meddygon Teulu: heiw.gptraining@wales.nhs.uk
- 3.3 Os yw'r OOPT/OOPR i gyfrif tuag at amser hyfforddi, rhaid i'r Hyfforddai ofyn am gymeradwyaeth ymlaen llaw gan y Coleg Brenhinol/Cyfadrn briodol.
- 3.4 Os nad yw'r OOPT/OOPR eisoes mewn safle hyfforddi a gymeradwywyd gan y Cyngor Meddygol Cyffredinol, yna bydd AaGIC yn ceisio cymeradwyaeth bosibl gan y CMC ar ran yr hyfforddai.
- 3.5 Ni chytunir ar geisiadau fel arfer nes bod hyfforddai wedi bod ar raglen hyfforddi am o leiaf blwyddyn.
- 3.6 Yn achos hyfforddeion craidd, mae'n debygol mai mewn sefyllfaoedd eithriadol yn unig y caniateir OOP, o ystyried hyd byrrach a natur yr hyfforddiant.
- 3.7 Gellir cymeradwyo hyfforddeion ar gyfer mwy nag un OOP fesul rhaglen hyfforddi, ond mae'n annhebygol y byddai OOPs yn cael eu cymeradwyo i redeg yn olynol. Mae gan y Deon Ôl-raddedig ddisgresiwn i ystyried amgylchiadau eithriadol a gall gymeradwyo lle mae rhesymau addysgol cadarn dros wneud hynny.
- 3.8 Bydd meddygon dan hyfforddiant yn cadw eu Rhif Hyfforddi Cenedlaethol (NTN) trwy gydol eu OOP. Mae'n ofynnol i feddygon dan hyfforddiant ildio eu NTN ar gyrraedd dyfarniad eu CCT, os yn dymuno ymgymryd â Seibiant o'r Rhaglen ar ôl CCT. Yn sgil hyn, byddant yn aberthu eu cyfnod gras.
- 3.9 Bydd AaGIC yn goruchwyllo ac yn rheoli OOPs i sicrhau nad yw'r cyfnod amser yn peryglu sgiliau clinigol.
- 3.10 Mae'n ofynnol o hyd i feddygon dan hyfforddiant ar OOP gymryd rhan yn y broses ARCP ac ailddilysu . Rhaid i hyfforddeion gynnal eu trwydded i ymarfer tra'n ymgymryd ag OOP yn ogystal â'u cysylltiad ag AaGIC fel eu Corff Dynodedig ar gyfer ailddilysu.

4. Proses ymgeisio ac amserlenni

4.1 Dylid dilyn y llinell amser isod i sicrhau cymeradwyaeth amserol i'ch cais. Gall y Deon Ôl-raddedig arfer disgrisiwn mewn rhai amgylchiadau eithriadol :

Cyn dyddiad cychwyn OOP	Allweddol
>6 Mis	Trafod cynlluniau gyda Goruchwyliwr Addysgol a Chyfarwyddwr Rhaglen.
>6 Mis	Gwirio gofynion y Coleg os yw'n berthnasol.
6 mis o leiaf	Cyflwyno cais wedi'i gwblhau'n llawn i AaGIC i'w gymeradwyo.
3 Mis	Cadarnhad o OOP

4.2 Cyn gwneud cais, dylai'r hyfforddai siarad â'u goruchwyliwr addysgol a Chyfarwyddwr Rhaglen i benderfynu pa mor addas yw'r OOP arfaethedig ac i sicrhau bod y swydd yn diwallu anghenion addysgol.

4.3 Mae angen i feddygon dan hyfforddiant fod yn ymwybodol o ofynion eu Colegau eu hunain o ran y broses ymgeisio a chymeradwyo OOP. Rhaid hefyd iddynt sicrhau eu bod yn darparu gwybodaeth i gefnogi eu cais yn ôl yr angen.

4.4 Dylai hyfforddeion fod yn wybyddus o'r dyddiad y maent yn dymuno cychwyn yr OOP mewn perthynas â'u rhwymedigaethau cytundebol cyfredol a dyddiad cylchdroi'r rhaglen ehangach, gyda chymaint o aliniad â phosibl.

4.5 Rhaid cwblhau pob ffurflen gais yn llawn a wedi'i derbyn o leiaf **6 mis** cyn dyddiad cychwyn arfaethedig yr OOP. Cynghorir hyfforddeion i wirio a oes unrhyw derfynau amser lleol sy'n benodol i'w Hysgol/Arbenigedd.

4.6 Bydd AaGIC ond yn ystyried ceisiadau sydd wedi'u cwblhau'n llawn gyda thystiolaeth ategol ynghlwm. Os oes angen unrhyw fanylion pellach bydd AaGIC yn cysylltu â'r hyfforddai yn uniongyrchol i geisio datrys yr ymholiad o fewn yr amserlenni a amlinellir uchod (4.1).

4.7 Bydd y broses gymeradwyo yn:

- Ystyried yr effaith ehangach ar y rhaglen hyfforddi.
- Sicrhau bod cyfnodau rhybudd cytundebol yn cael eu bodloni a bod trefniadau priodol ar waith i ddiogelu rhag unrhyw effaith bosibl ar ddiogelwch cleifion.
- Ystyried blaenoriaethu ceisiadau lle mae "gordanysgrifio" gan roi blaenoriaeth i amgylchiadau personol eithriadol. Os yw'n berthnasol, gellir gofyn i hyfforddeion cymwys am hyblygrwydd o ran dyddiadau OOP i hwyluso ceisiadau.
- Bydd yn dibynnu ar y trefniadau arbenigol a deoniaeth.

4.8 Bydd cadarnhad ysgrifenedig yn cael ei anfon at hyfforddeion a rhanddeiliaid allweddol perthnasol eraill 3 mis cyn i'r OOP ddechrau gan gymryd bod yr holl derfynau amser a gofynion ymgeisio wedi'u bodloni.

5. Estyniad i geisiadau presennol am OOP

5.1 Rhaid i hyfforddeion sy'n dymuno gwneud cais am estyniad i'w OOP y cytunwyd arno yn flaenorol gyflwyno'r ffurflen gais briodol o leiaf **6 mis** cyn eu dyddiad gorffen gwreiddiol.

5.2 Mae terfynau amser y gellir ymestyn OOP iddynt a nodir yn y Canllaw Aur.

6. Dychwelyd i'r Rhaglen Hyfforddi

6.1 Ni all y Deon Ôl-raddedig warantu dyddiad na chyrchfan lleoliad yr hyfforddai ar ei ddychweliad. Felly, mae'n bwysig bod y Deon Ôl-raddedig a'r TPD yn cael ei hysbysu am ddymuniad hyfforddai i ddychwelyd i hyfforddiant clinigol ymhell ymlaen llaw. Bydd Deoniaid Ôl-raddedig yn ymdrechu i ddod o hyd i leoliad cyn gynted â phosibl ond dylai hyfforddeion nodi eu bwriad a'u dyddiad dychwelyd delfrydol cyn gynted ag y bo modd. Gall hyn fod cyn iddynt ymadael i ymgymryd â'u OOP hyd yn oed.

6.2 Dylai pob meddyg dan hyfforddiant sy'n dychwelyd o OOP gael rhaglen dychwelyd i ymarfer wedi'i chynllunio ar eu cyfer a allai olygu dychwelyd yn raddol i ymarfer clinigol.

7. Gweithredu'n uwch fel Ymgynghorydd (AUC)

7.1 Mae hyfforddeion y mae disgwyl iddynt ennill eu CCT ymhen blwyddyn yn gymwys i ymroi i 'Weithredu Uwch' fel ymgynghorwyr, hyd at uchafswm o dri mis (pro rata ar gyfer Llai na Llawn-amser). Bydd hyfforddeion hefyd yn cadw eu Rhif Hyfforddiant Cenedlaethol (NTN) yn ystod y cyfnod o weithredu uwch.

7.2 Rhaid defnyddio'r term 'gweithredu uwch' ac nid 'locwm' pan yn ymgymryd â'r swydd. Mae'n bosibl i'r amser a dreulir yn ymroi i 'weithredu uwch' gael ei gydnabod er budd rhaglen hyfforddi sy'n arwain at ddyfarniad CCT.

7.3 Rhaid i hyfforddeion gael cymeradwyaeth ffurfiol y Deon neu'r Dirprwy Ddeon Ôl-raddedig a Chyfarwyddwr y Rhaglen Hyfforddiant i warantu 'gweithredu uwch'. Rhaid anfon geisiadau i AaGIC o leiaf 8 wythnos cyn y dyddiad cychwyn arfaethedig.

7.4 NID yw hyfforddeion yn gymwys i "Weithredu yn uwch" ar ôl y dyddiad CCT. Yn yr achosion hyn, byddai'n ofynnol i hyfforddeion ymddiswyddo eu Rhif Hyfforddi Cenedlaethol (NTN).

7.5 Byddwn ond yn derbyn ceisiadau ar gyfer gweithredu uwch yng Nghymru (ni all Hyfforddeion ymroi i weithredu uwch y tu allan i Gymru).

8. Statws cyflogaeth a Gwasanaeth Parhaus

8.1 Cynghorir hyfforddeion i geisio eglurhad gan eu cyflogwr ynghylch effaith bosibl y cyfnod OOP ar eu:

- Cyflogaeth barhaus
- Dilyniant cynyddrannol
- Hawl i absenoldeb mamolaeth
- Cyfraniad y cyflogwr at y gronfa bensiwn
- Statws Fisa a'r effaith arno – mae'n bwysig bod meddygon dan hyfforddiant o dramor yn ymwybodol o'r effaith y gallai ymgymryd â OOP, a gadael y rhaglen hyfforddi yn ei sgil, ei chael ar eu fisa a'u hawl i ddychwelyd i weithio yn y DU
- Unrhyw fater cyflogaeth arall

8.2 Nid oes gan hyfforddeion hawl i gyllid adleoli neu absenoldeb astudio gan AaGIC yn ystod y cyfnod OOP.

8.3 Bydd angen i unrhyw feddyg dan hyfforddiant gysylltu â'u sefydliad cyflogi perthnasol, os yn cymryd absenoldeb rhiant tra'n ymgymryd â OOP, i gadarnhau trefniadau cyflog ac absenoldeb sy'n berthnasol i'w hamgylchiadau. Os yw'n ymestyn y tu hwnt i'r cyfnod OOP dylid cyflwyno cais am estyniad i AaGIC cyn gynted ag y bo modd.

Atodiad 1

	OOPC	OOPE	OOPR	OOPT
Hanfod	I gymryd seibiant gyrfa sydd wedi'i gynllunio.	I ennill sgiliau a phrofiad proffesiynol a fyddai'n gwella ymarfer yn y dyfodol.	I ymgymryd â chyfnod o ymchwil	Ymgymryd â hyfforddiant clinigol nad yw'n rhan o'r rhaglen hyfforddi.
Hyd	Dim mwy na blwyddyn	Dim mwy na blwyddyn	Dim mwy na 3 blynedd	Dim mwy na blwyddyn
Amser yn cyfrif tuag at hyfforddiant	Na	Na	Os gofynnir amdano. Bydd y Coleg Brenhinol yn nodi faint o amser fydd yn cyfrif tuag at CCT.	Ie. Bydd y Coleg Brenhinol yn nodi faint o amser fydd yn cyfrif tuag at CCT.
Gofynion a chanlyniadau ARCP	Canlyniad 8	Adroddiad Goruchwyliwr Priodol. Canlyniad 8	Adroddiad Goruchwyliwr Academaidd Priodol . Canlyniad 8 neu ganlyniad safonol os yw amser yn cael ei gyfrif tuag at hyfforddiant.	Adroddiad Goruchwyliwr Addysgol a thystiolaeth portffolio ofynnol safonol. canlyniad 1,2,3,4,5 neu 6 yn dibynnu ar amgylchiadau
Ailddilysu	Cyflwyniad blynyddol o Ffurflen R.	Cyflwyniad blynyddol o Ffurflen R wedi'i chwblhau	Cyflwyniad blynyddol o Ffurflen R wedi'i chwblhau	Cyflwyniad blynyddol o Ffurflen R wedi'i chwblhau